

Awadhi Easy-to-Read Version

Language: अवधी (Awadhi)

Provided by: Bible League International.

Copyright and Permission to Copy

Taken from the Awadhi Easy-to-Read Version © 2005 by Bible League International.

PDF generated on 2017-08-25 from source files dated 2017-08-25.

a1ae5774-2ca2-500b-8aeb-2c74229c4519

ISBN: 978-1-5313-1308-1

थिस्सलुनीकियन क दूसरी पत्र

१ पौलुस, सिलवानुस अउर तीमुथियुस क ओर स,

हमरे परमपिता परमेस्सर अउर पभू ईसू मसीह मँ स्थित थिस्सलुनीकियन क कलीसिया क नाउँ, २ तू सबन क पिता परमेस्सर अउर ईसू मसीह कईती स अनुग्रह अउर सान्ति मिलइ।

३ भाइयो तथा बहिनियो, तू पचन क बरे हमका हमेसा परमेस्सर क धन्यवाद करइ चाही : अइसेन करब उचित बा। काहेकि तू पचन क बिसवासे क अचरज भरा रूप स विकास होत बा अउर तोहमाँ आपस इ मँ पिरम बढत बा। ४ इही बरे परमेस्सर क कलीसियन मँ हम खुद तू सबन प गरब करित अही। तू पचन क यातना क बीच अउर कस्टन क सहत धैर्यपूर्वक सहन करई तू सबन क बिसवासे क परगट करत ह।

परमेस्सर क निआव क चर्चा

५ इ एह बाते क स्पष्ट प्रमाण बा कि परमेस्सर क निआव सच्चा बा। ओकर उद्देस इहई बा कि तू पचे परमेस्सर क राज्य मँ प्रवेस करइ योग्य ठहरा। तू सबइ अब उही क बरे तउ कस्ट उठावत अहा। ६ निस्चय ही परमेस्सर क दिस्टी मँ इ निआव ठीक बा कि तोहे सबन क जउन दुखन देत अहई, ओनका बदले मँ दुख हीं दीन्ह जाइ। ७ अउर तू जउन कस्ट सहत अहा, ओनका हमरे साथे ओह समइ आराम दीन्ह जाई जब पभू ईसू अपने समरथ दूतन क साथे सरग स ५ धकत आगी मँ परगट होई। अउर जउन परमेस्सर क नाहीं जनतेन अउर हमरे पभू ईसू मसीह क सुसमाचार पर नाहीं चलतेन, ओनका दण्ड दीन्ह जाई। ८ ओन्हे अनंत बिनास क दण्ड दीन्ह जाई। ओन्हे पभू अउर ओनकर महिमा भरी सक्ति क सामने स हटाइ दीन्ह जाई। ९ उ अपने पवित्तर लोगन क साथ महिमा प्राप्त करइ आई, अउर अपने आस्चर्यचकित करइ क अभिव्यक्ति करी ओनके बीच जो उन पर बिसवास करत हीं।

१० इही बरे हम तोहरे बरे परमेस्सर स हमेसा पराथना करित ह कि हमार परमेस्सर तोहे ओह जीवन क योग्य समझई जेका जिअइ क बरे तोहे सबन क बोलावा गवा बा। अउर उ तोहार सब सुभ इच्छा क प्रबल रूप स पूरा करइ अउर सब ओह

कामे क उ सफल बनावइ जउन तोहरे बिसवासे क प्रमाण अहइ। ११ इही तरह हमर पभू ईसू मसीह क नाउँ तोहरे द्वारा आदर पइहीं। तू पचे ओकरे द्वारा आदर पउब्या। इ सब कछू हमरे परमेस्सर क अउर पभू ईसू क अनुग्रह स होइ।

पभू क अवाई स पहिले दुर्घटना घटीही

२ भाइयो तथा बहिनियो, अब हम अपने पभू ईसू मसीह क फिन स अवाई अउर ओकरे साथे आपस मँ एकट्ठा होइ क बारे मँ निवेदन करत अही २ कि तू अचानक अपने विवेक क कउनो भविस्सबाणी कउनो उपदेस अउर कउनो अइसेन चिट्ट स न खोवा जेकाँ हमरे द्वारा लिखा गवा समझा जात होइ अउर तथाकथित रूप स जेहमाँ बतावा गवा होई कि पभू क दिन आई चुका अहइ, तू अपने मने मँ डावाँडोल जिन ह्वा। ३ तू पचे अपने आपके कउनो क द्वारा कउनउ प्रकार छलान न जाइ सका। मई अइसेन एह बरे कहत हउँ काहेकि उ दिन ओह समइ तक न आई जब तक कि परमेस्सर स मुँह मोड़ लेइ क समइ नहीं आई जात, अउर दुस्ट मनइ परगट नाहीं होइ जात। ओह दुस्ट-मनइ क नियति तउ नरक बा। ४ उ अपने क सब चीज स उप्पर कही अउर ओनकर विरोध करी अइसेन चीजन का परमेस्सर का कही जात हीं अउर जउन पूजनीय बा। इहाँ तक कि परमेस्सर क मंदिर मँ जाइ क सिंहासन पर बइठिके इ दावा करी कि उहइ परमेस्सर बा। ५ का तोहे याद नाहीं बा कि जब मई तोहरे साथे रहे तउ तोहे इ सब बतावा गवा रहा ६ अउर तू तउ अबइ जनतइ अहा कि ओका का अबहीं परगट होइ स रोके अहइ, ताकि उ ऊचित अवसर आए पर ही परगट होइ। ७ मई अइसेन एह बरे कहत हउँ काहेकि दुस्ट मनइ क रहस्य भरी सकती जउन बे व्यवस्था क अहइ अबहुँ आपन काम करत बा। अब केउ ऐका रोक रहा बा अउर उ तब तक ऐका रोकत रही, जब तलक, ओका रोके रखइवाले क रस्ता स हटाई न दीन्ह जाइ। ८ तबइ उ दुस्ट मनइ परगट होई जब पभू ईसू आपन महिमा मँ फिन परगट होई तब ओका पभू ईसू अपने मुँह क फूँक स मार डाईगा अउर अपने उपस्थिति क तेज स ओका भस्म कर देई।

९ ओह दुस्ट मनइ सइतान क सकती स परगट होइ अउर उ बहुत बड़ी सकती, झूठे चमत्कारन, अदभुत चिन्हन अउर अचरजे कारजन, १० अउर सब परकार क पाप स भरा छल-परपंच स भरा होइ। उ एनकर उपयोग मनइय क विरुद्ध करी

जउन सर्वनासे क रस्ता मैं खोवा हवा अहई। उ भटक गवा ह्येन काहेकि ओन्हन सत्य स पिरिम नाही किहे बाटेन, कहूँ ओनकर उद्धार न होइ जाइ।^{११} इही बरे परमेस्सर ओहमन एक छली सकती क काम मैं कई देई जेहसे उ झूठ मैं बिसवास करइ लाग रहेन। एहसे ओनकर बिसवास जउन झूठ बा, ओह पर होई।^{१२} एहसे उ सभन जे सत्य पर बिसवास नाही किहेन अउर झूठ मैं आनन्द लेत रहेन, दण्ड पइहीं।

तोहे छुटकारा क बरे चुना गवा बा

^{१३} भाइयो तथा बहिनियो, पभू तोहका पियार करत ह। तोहरे पचन क बरे हमका हमेसा परमेस्सर क धन्यवाद करइ चाही काहेकि परमेस्सर तउ आतिमा क द्वारा तोहे सबन क पवित्तर कइक अउर सत्य मैं तोहरे बिसवास क कारण उद्धार पावइ क बरे तोहे सबन क चुने अहइ। जेन्हन मनइयन क उद्धार होइ क बा, तू ओह सबन क पहिली फसल क एक हींसा अहा।^{१४} अउर इही उद्धार क बरे जेका सुसमाचार क हम तोहे सबन क उपदेस दिहे हई ओकरे द्वारा परमेस्सर तउ तोहे पचन क बोलाएस ताकि तू पचे हमार पभू ईसू मसीह क महिमा क धारण कइ सका।^{१५} इही बरे भाइयो तथा बहिनियो, अटल बना रहा अउर जउन उपदेस तोहे मौखिक रूप स या हमरे चिटिवयन क द्वारा दीन्ह गवा रहा, ओका थामे रखा।

^{१६-१७} अब हमार पभू खुद ईसू मसीह अउर हमार परमपिता परमेस्सर जे हम पइ आपन पिरिम दर्साए अहइ अउर हमका परम प्रोत्साहन प्रदान किहे अहइ अउर जे हमका अपने अनुग्रह मैं मजबूत आसा प्रदान किहे अहइ तोहरे सबन क हिरदइ क आनन्द देइ अउर सब अच्छी बातन मैं जेका तू कहत ह या करत ह, तोहे प्रोत्साहित बनावइ।

हमरे बरे पराथना करा

३ ^१ भाइयो तथा बहिनियो, तोहे पचन क कछू अउर बात हमका बतावइ क बाटइ। हमरे करे पराथना करा कि पभू क उपदेस तेजी स फइलइ अउर महिमा पावई। जइसेन कि तोहे लोगन क बीच मैं भवा बा।^२ पराथना करा कि हम बुरे अउर दुस्ट मनइयन स दूर रही। (काहेकि सभन जने क तउ पभू मैं बिसवास नाही होत ह।)

^३ मुला पभू तउ बिसवास स भरा अहइ। उ तोहार सकती बढ़ाई अउर तोहे सबन क ओह दुस्ट स बचाइ रखी।^४ हमका पभू मैं तोहार स्थिति क बारे

मैं टूट बिसवास बा। अउर हमका पूरा निस्चय बा कि हम तोहे जउन कछू करई क कहे हई, तू वइसेन ही करत अहई अउर करत रहब्या।^५ पभू तोहरे पचन क हिरदइ क परमेस्सर क पिरिम अउर मसीह क धेयँ भरा मजबूती कईती आगे करइ।

करम क अनिवार्यता

^६ भाइयो तथा बहिनियो, अब तोहे सबन क हमार पभू ईसू मसीह क नाउं मैं इ हुकुम बा कि तू हर ओह भाइयन स दूर रहा जउन अइसेन जीवन जिअत ह जउन अनुचित चाल चलत अहइ।^७ मई इ एँह बरे कहत हउं काहेकि तू तउ खुदइ इ जानत बाटचा कि तोहे पचन क हमार अनुकरण कइसे करइ चाही काहेकि तोहरे बीच रहात भए हम कभउं आलसी नाही रही।^८ हम बिना मूल चुकाए कीहीउं स भोजन नाही ग्रहण कीन्ह, बल्कि जतन अउर मेरनत करत भए हम दिन रात काम मैं जुटा रहे ताकि तोहमाँ स कीहीउं पर बोझ न पइइ।^९ अइसा नाही अहइ कि हमका तोहसे सहायता लेइ क कउनउ अधिकार नाही बाटइ, बल्कि हम एह बरे कड़ी मेहनत करत अही ताकि तू ओकर अनुसरण कइ सका।^{१०} इही बरे हम जब तोहरे साथे रहे, हम तोहे पचन क इ हुकुम दिहे रहे, “अगर केउ काम न करइ चाहइ तउ उ खाना भी न खाइ।”

^{११} हमका अइसा बतावा गवा ह कि तोहरे बीच कछू अइसेन भी बाटेन जउन अइसेन जीवन जिअत हीं जउन ओनके अनुकूल नाही अहइ। उ कउनउ काम नाही करतेन, दुसरन क बातन मैं टाँग अडावत हीं एहर-ओहर घूमत फिरत हीं।^{१२} अइसेन लोगन क हम पभू ईसू मसीह क नाउं प समझावत हुकुम देत अही कि उ सान्ति क साथे आपन काम करइ अउर अपने कमाई क ही खाना खाईं।^{१३} मुला भाइयो अउ बहिनियो! जहाँ तक तोहार बात बा, भलाई करत कभउं न थका।

^{१४} इ चिट्ठी क माध्यम स दीन्ह गए हमरे हुकुमन पर अगर केउ न चलइ त ओह मनई पर नजर रखा कि उ कउन बाटइ अउर ओनकर संगत स दूर रहा ताकि ओका सरम आवइ।^{१५} मुला ओनके साथे सत्‌रुअन जइसा व्यवहार न करा बल्कि भाई क समान ओका चेतावा।

चिट्ठी समापन

^{१६} अब सान्ति क पभू खुद तोहे सब समइ, सब तरह स सान्ति देइ। पभू तू सबके साथे रहा।

१७ मई पौलुस खुद आपन लिखाई मँ इनमस्कार लिखत हुँ। मई एह तरह सब चिट्ठी पर दसखत करत हुँ। मोरी लिखाई क सैली इहइ अहइ।

१८ हमार पभू ईसू मसीह क अनुग्रह तोहे सभन पर बना रहइ।